

վորութեան, առաջի եղեալ նմա զվճիռ դենպետին Դա-
 մասկոսի: Իսկ կուսակալն գրեաց առ դատաւորն Երուսա-
 ղէմի, և առաքեաց զայն 'ի ձեռն պաշտօնէին իւրոյ Շահ-
 օղլու կոչեցելոյ, 'ի բաց վանել զՀայս եւ թոյլ տալ Յու-
 նաց տօնել զԶատիկն: Եւ 'ի սոյն աւուրս հասին 'ի Կոս-
 տանդինուպօլսոյ Դաբուճի պաշի Խոսրով՝ բերեալ ընդ իւր
 գիր 'ի մեծէ Եպարքոսէ, և ընդ նմա արք ոմանք 'ի Յու-
 նաց, և մատուցեալ զգիրն առ դատաւորն՝ ասէ, Յոյնք
 ծանուցին զընդդիմութիւնս Հայոց, և նա՝ առ հրովարտակ
 յԱրքայէ, և ինքն եւս գրեաց զթուղթս, և առաքեաց զիս
 ընդ ճանապարհին Բերիոյ ընդ արտդ Յունաց: Իբրեւ տե-
 սին Յոյնք թէ՛ զօրացան յամենայն կողմանց, վերստին ազգ-
 արարին Գրիգորի Պատրիարքի և ասեն՝ եթէ ոչ տօնես ըզ-
 Զատիկն ընդ մեզ, ոչ կարես ապրեցուցանել զքեզ և զքոյ-
 սըդ 'ի ձեռաց մերոց, սպառնացան նաեւ Ասորոց Գրպ-
 թոց և Հապեշաց, և նոցա ոչ անսացեալ բանից նոցա, ե-
 կին 'ի վասն Հայոց: Եւ այնուհետեւ սկսան Յոյնք խորխ-
 տանօք չրջիլ 'ի մէջ քաղաքին սրօք եւ բրօք՝ իբրեւ ար-
 քունի հրամանաւ, և չարիս հասուցանել Հայոց, իսկ Գրի-
 գոր վերստին գրեաց գիր թախանձանաց առ գլխաւորս
 ազգին յայլ և այլ կողմանս, այլ վասն կարճութեան ժա-
 մանակին՝ ոչ յուստեքէ եհաս նմա օգնութիւն, ապա ան-
 ճարացեալ ազգ արար քաղաքապետին զստահակութիւնս
 Յունաց, դիմեաց առ դատաւորն և առ գլխաւորս քաղա-
 քին և ծախեալ զ20,000 դահեկանս հաճեցոյց զմիտս նո-
 ցա, խորտակել զստահակութիւնս Յունաց, յորմէ ունէր
 ծագիլ մեծամեծ խռովութեանց և չարեաց, եթէ ուղիղ
 էին միտք նոցին՝ ի՞նչ հարկ կայր այսչափ բազմութեան
 դիպանիլ 'ի քաղաքիս, պատճառելով զտօն Զատիկի: Իսկ
 դատաւորն 'ի վերայ այսր արար ժողով մեծ, ուր կոչե-
 ցան մեծամեծք և գիտնականք այլազգեաց, իբրեւ 120 ա-
 բանց, կոչեցան անդ Գրիգոր և փոխանորդն Յունաց Պա-
 պա Տիոն, քահանայք Ասորոց, Գլթոց և Հապեշաց, եւ
 2 Կրօնաւորք 'ի Լատինաց, այլազգի դռնապանք Ս. Յա-
 րութեան, եւ այլք: Եւ դատաւորն մի առ մի հարցանէր
 նոցա վասն տօնի Զատիկն, յետ ընթեռնելոյ զգիր կուսա-
 կալին Դամասկոսի, զոր գրեցաք, և նոքա այր իւրաքան-